

漕倉四所久廢

監倉一所共六間久廢

社倉乾隆十二年共計十二保貯本息穀八千一百九十餘石均寄貯各保廟宇是年奉文勸集穀建倉知縣阮景咸相度便宜建倉六處有在城在鄉之別城內在署東四十八間現已破殘

常平倉舊志一在大堂西三間康熙二年知縣何騰光建一在賓館後五間康熙二十九年知縣何鼎改建後漸廢墜民國八年經洪知事實燾去任後賊欸四千元由郭知事曾量及邑紳張蔚藍等主持以三千元糴穀計倉斗一千一百餘石定名常平倉改貯於署東寅賓館及察院基地歷任修造之倉房九年平糴一次糴三分之一收欸存庫章程十二條有碑可稽抄列於後

名稱定名曰長葛縣常平倉

宗旨此項倉穀概出全縣公欸專備水旱偏災平糴以濟貧民至平糴手續臨時由

長葛縣志

卷五

八

縣知事邀集各紳商同酌定呈報省署平糴後即將穀價存儲縣庫無論何項要須不得借用此欸一俟糧價平減即行收買足額還倉如欸不敷隨時募集之

管理由商務會公欸局十二保首事中各推一人辦理以專責成由縣公署委任之地址就縣署東偏舊有倉所加之修葺以便存儲

保存所糴穀糧務扇去糠粃公同平量入倉嚴加封鎖每年夏月開曬一次以免腐朽而重民食每遇大雨以後須由管理原紳開倉驗看如有浸濕立即晾曬並隨時修補房屋以免下次滲漏

防弊如有管事役員從中侵蝕及莠民盜竊情事凡屬本縣公民均有舉發之權發覺後請縣知事傳究屬實除照數賠償外併科以相當之罪

經費此舉關繫地方備荒要政所有辦事員紳均係名譽職概不支薪其臨時所需烟茶零用概由公欸局隨時備辦

監察常平倉所存穀石數無故不得私自開看須由經管倉紳邀集各紳首到場方

可開視並隨時將開視情形呈報縣署備查

看守常平倉應僱夫役一人常川住守所須工食由地方公款開支夫役非有切實鋪保不准承充

責任縣知事須負監督之責遇有交代時即將倉內存穀移交新任接收後即同前任知事並須邀集地方各機關紳首開倉驗視以昭核實

封鎖常平倉門應由縣署蓋印封條嚴密加封若遇開門驗穀後仍須請縣印發封條以昭慎重

此項保管章程暫時規定如縣知事認有應行修正時必須會商本邑全體士紳開會提議贊成後呈報省署立案呈報以上原定規則謹遵罔替

鹽課 私鹽附

葛邑食鹽原額每年銷引二千九十八道清雍正元年奉文加銷引九十六道共銷額引二千一百九十四道後改額銷一千四百九十八包每包重五百斤其課銀係鹽商

長葛縣志

卷五

九

赴憲衙門自行交納大都均攤於鹽斤之中視課率之高下以定價值之低昂遠者無論至光緒初年每斤價錢不過三十八文爲回鑾需款加價四文三十二年爲豫省需餉加價一文至三十四年爲鐵路集股加價四文又於是年七月爲抵補土稅加價四文六七年間每斤增價十三文連同原價三十八文亦僅五十一文民國三年開放官運改爲自由競爭營業原定課銀每百斤收洋二元五角旋於四年加洋二角五分合之則爲二元七角五分原定價值每斤大洋五分只准低廉不准擅增旋於九年直軍需餉每斤加價洋四釐合之則爲五分四釐十三年冬直奉戰起道梗每斤漲至三百餘文十四年價稍平每斤合錢一百六十餘文嗣又因戰停運每斤漲至三百餘文且官鹽缺乏民食維艱此後變更未知所底

平時間有嗜利小民私行販鹽價較廉於官運且在遠鄉僻村爲官商巡防所不及偶一試之自民國十三十四兩年直奉交戰官運不通而悍軍黠民遂居爲奇貨到處私販列肆官商袖手無復過問任意擡價每斤由三百餘至四五百文不等且糴糶小鹽

閭閻苦之

征徭

前清正供而外無他苛擾惟兵差派車爲民所苦然或數十年而一遇迄火車行此害除矣民國以來軍事頻興由葛西至禹東至洧派車則無歲無之十一十三兩年直奉戰事有一年派十數次者且用車多少民不得知往往有用車數輛而聲言須車數十輛百餘輛者故差役則在鄉賣放入城則署內賣放有一車講價數緡至數十緡者十四年衆議仍照清季舊章令二十四籍書各出車一輛來城支應民稍安息然遇大兵仍須抓派尤難堪者則在派款派款用途有二一爲當事者提去每次八千六千元不等數年計不下五萬元一爲支應駐紮暨來往軍隊十二年專設軍需支應局按保派款每次一萬兩萬串不等一年中共派七次計錢八萬餘串旋裁撤十四年鄭知事思源復立之計每次三萬四萬串不等現前後已派至十一次錢數十萬串

賑卹

長葛縣志

卷五

十

乾隆四年雨水過多偶成偏災災民六千四百七十四戶內分大口七千四百五十九名小口四千七百六十五名奉旨賑濟

乾隆八年秋禾被旱災民六千四百八十四戶內分大口一萬二千五百八名小口四千七百一十八名奉旨動用倉穀賑濟

光緒三年大旱經歲不雨人死無算知縣王錫晉開倉賑濟

民國二年大旱成災華洋義賑會撥洋二千元以工代賑先辦女工廠後挖潁水河計畫既定畫分十二保辦理女工廠十二處城關三處共合十五處每處撥錢一百四十串文召集婦女五十名專學習草帽辦二十日畢業每名每日發錢一百文聘請新鄭女師十五人來葛教練分任各廠之事共支錢二千一百串之譜下餘六百千以備疏通潁河故道惜未舉辦

民國四年七月大雨成災共淹草房三千九百三十二間瓦房九十一間地二百五十一頃五十四畝一分災民共四千三百一十九戶上憲撥發賑款一千元每戶放錢

三百四十三文共放錢一千四百八十一千四百一十七文

民國七年來由主善局勸捐每年除夕賑饌一次按勸欸多寡爲度

民國九年地方荒旱陳鴻疇向北京河南義賑會請求撥洋一千元正由公欸局及商會分放

民國十八年歲歉陳鴻疇託奉天朱子橋代買高粱四百石免費運葛由王蔭梧等平價分配極貧次貧等戶時價每斗十二串平價只收六串

惠濟

養濟院在城隍廟西知縣徐昇修知縣劉大觀改建於壽甯寺今廢

廣濟院在縣東門外今廢

普濟堂在衙前街東首路北清雍正十二年知縣許蓮峯奉文建造瓦屋二十五間草房三間民地四頃九畝七分八厘撥官地兩頃二十二畝六分三厘六毫共地六頃二十三畝三分四厘四毫係許令倡捐紳衿富民樂助共捐銀一千三百兩有奇養

長葛縣志

卷五

十一

活無告窮民其地坐落鐵爐一頃七畝八分七厘崗劉莊一頃五畝九分一厘五厘營一頃二十二畝三分六厘七毫唐家莊九十五畝九分五厘六毫姑姑寺二十一畝五分九厘七毫石廟羊莊一頃三十六畝三分八厘三毫石固二十五畝五分三毫五厘營莊地三畝七分二厘八毫崗劉莊地三畝二分八厘

主善局在純陽閣內設置清宣統元年創建楊錦濤武克仁等極力經營倡捐辦理慈善事業王瑞桐繼充局長逐漸擴充訂定辦理慈善事業章程十二條分述於下

一義塾 設塾有二每塾教員二助診 內外兩科聘請名醫二人內科午三惜字工拾字城 四施藥 膏丹爲大宗凡救急應 五宣講 春秋社日每逢六祀孤 七月二十九日晚 七種痘 聘醫一人每春開點八掩骼 遇骨即掩九義地 在縣東關外地五祀孤 城共設三處一在西關玉皇廟前一在十一放生 每年數次十二修路 城內關外有路坑坎即爲修補又倡修石橋兩座一在小河徐南一在岳莊西

貧民工廠民國十四年成立經費由罰款提四百元作開辦費再每月由公欸局撥錢一百串暨義捐錢五十串作常年費設東關太山廟內

長葛縣志卷六

息縣劉盼遂撰

藝文志第六 書目 唐前文目
金石目 文存

甲 書目漢魏六朝

陳子 陳謚 後漢書本傳

論語義說 陳羣 文選注 何晏集解序

魏司徒陳羣集五卷 陳羣 隋書經籍志注

陳寔別傳 御覽二百六十四

陳氏譜 世說新語德行篇注

陳氏家傳 太平寰宇記河南道引云紀謚以下八十六墓
三十六碑並在長葛縣陘山之陽又有廟存

成侯易記 鍾繇 魏志鍾會傳注

周易訓 鍾繇 世說言語篇注

老子訓 鍾繇 三國志本傳

長葛縣志 卷六

鍾繇筆勢論 張彥遠法書要錄

鍾繇隸書勢 初學記卷二十一引

魏車騎將軍鍾毓集五卷 隋志

老子道德經注二卷 鍾會 隋志

道論二十篇 鍾會 隋志

魏司徒鍾會集十卷錄一卷 隋志

鍾會論夏少康漢高祖優劣論 高貴鄉公傳注

芻蕘論五卷 鍾會 隋志

鍾會四本論 世說文學篇注

鍾會周易盡神論一卷 隋志

鍾會易無互體論一卷 全上

鍾會輯聖人無情論六卷 隋志道家

鍾會爲其母傳 三國志本傳注

鍾會生母傳 三國志本傳注

晉司徒王渾妻鍾夫人集五卷 鍾琰 隋書經籍志注

鍾雅別傳 世說注

鍾岍良吏傳 梁出鍾嶸傳

詩品 鍾嶸 梁書本

瑞室誦 鍾嶸本傳

華林編略 鍾嶸 梁書鍾嶸傳

中軍佐鍾蹈集十二卷 鍾蹈 隋書經籍志注

晉太子中庶子棗據集二卷錄一卷 隋書經籍志注

晉散騎常侍棗嵩集一卷 隋書經籍志

晉襄陽太守棗腆集二卷 隋書經籍志注

長葛縣志

卷六

二

周易繫辭傳注三卷 韓康伯

晉太常卿韓伯集十六卷 韓康伯

宋

何南公文集二十卷 宋史何中立傳

論思集 同上

明

張元進詩文集不分卷 張蓋臣

群書選粹不分卷 同上

兩漢博議不分卷 同上

李秀實清語數十篇 李春華

砥鄂篇不分卷 同上

韓鳳洲幼學解不分卷 韓可大

清

黃孟甫葢峰遺稿不分卷 黃孟甫

館課存餘不分卷 同上

蔣棟女三字經注 蔣棟

文昌帝君陰騭文注 同上

救急奇方 同上

辨惑論不分卷 同上

二十四孝詩 同上

二十四友詩 同上

高仰山周易貫解 高仰山

楊雲谷聊齋詩集八卷 楊錦濤

鳳雛仙館詩集二卷 同上

長葛縣志

卷六

三

張曉峰視香小草二卷 張位寅

訓子詩十八首一卷 同上

韓蓮舫修齊約覽不分卷 韓太乙

藥石針砭不分卷 同上

武萬青約六齋文稿不分卷 武士選

輯名家文初學編一卷 同上

輯名家文慎道編一卷 同上

尙書因文 同上

漁洋古體詩注 同上

武耘中半人詩草不分卷 武于田

顧星源負茲草一卷 顧增華

五經致用錄不分卷 同上

周易三禮小學性理講義不分卷 同上

山海經河山兩戒攷不分卷 同上

張夢白瓶城齋文集 張長庚

黃潛庵遺稿 黃元濂

黃果齋遺稿 黃元渠

黃未谷古韵攷 黃百福

琴譜 同上

金石錄 同上

田青麗著書目 田春興

大中序解四卷尙書今古文辨一卷堯舜二典合編一卷批孟子一卷詩經平仄一卷明文傳薪二卷真西山感應篇一卷選評試律詩一卷國朝文楷一卷大家文三十二卷唐宋八家文二卷訓子雜錄二卷課幼草一卷青麗文譜一卷

長葛縣志

卷六

四

小兒曲一卷 段珍

幼女十六曲 同上

幼女歌編 同上

王母勸閨門論 同上

學庸精義二卷 路月輝

長葛耆舊集不分卷 張嵐峯

家塾暇錄六卷 李嵩生

文法詳說一卷 司議

正字記略 田浚渠

藝蘭館賦稿 同上

安雅堂課幼草 田依渠

茹古山房課徒賦草 同上

茹古山房駢體文 同上

茹古山房讀史餘吟 同上

五經鑄義 田耘平

荊樹堂文稿 同上

養心詩集 司昭宣

行文樂稿 同上

念庵存稿 辛志道

張明星著書目 張翼軫

易蘊會通 一種尚書摘要 一種詩網聯解 一種禮記聯珠 一種躬行鑑 一種五倫鑑
一種陰陽傳 一種生生論 一種性命實學 一種

孝經真義 陳鳳苞 乾隆時舉人

易理探源 陳鳳苞

長葛縣志

卷六

五

乙 唐前文目

漢文

陳寔

異聞記 抱朴子內篇對俗

陳紀

肉刑論 魏志陳羣傳袁宏後漢紀卷三十

魏文

鍾繇

賀捷表 絳帖

請許吳王委質表 淳化閣帖二

力命表 寶晉齋帖

薦關內侯季直表 同上

請復肉刑代死刑疏 魏書本傳藝文類聚五十四

上書自劾 本傳注引魏略

處士君號謚議 通典七十二

謝曹公書 太平御覽八百五十八卷引魏武帝集

報太子書 本傳注引魏略

又報書 太平御覽九百六十九卷

答太子書 本傳注引魏略

與人書 魏志朱建平傳

詰毛玠對狀 魏志毛玠傳

雜帖凡六則 並淳化閣帖卷二

隸書勢三條 初學記卷二十一引

鍾毓

長葛縣志

卷六

六

果然賦 藝文類聚九十五太平御覽七百十

諫西征疏 魏志鍾繇傳

奏誅李豐等 魏志夏侯玄傳

與曹爽書止增兵伐蜀 魏志鍾繇傳

鍾會

遺榮賦 文選張協詠史詩注

懷士賦 文選江淹雜體傳注

菊花賦凡三則 北堂書鈔一百五十六初學記二十七太平御覽九百九十六

蒲萄賦并序 藝文類聚八十七

孔雀賦 藝文類聚九十一

蜀平上言 魏志本傳

與吳主書 文選袁宏三國名臣贊注

與蔣斌書 蜀志蔣琬傳

與姜維書 蜀志姜維傳

移蜀將吏士民檄 魏志本傳文選

太極東堂夏少康漢高祖論 魏志高貴鄉公紀注引魏氏春秋

論程盛 文選任昉王文憲集序注引鍾會集

母夫人張氏傳 魏志本傳注又略見太平御覽二百二十又六百十三

芻蕘論 凡七則一初學記二都賦注魏三九十五帖四太平御覽五四百六六覽太平御覽

三十七 太平御覽八

陳羣

明帝蒞政上疏 魏志本傳

諫諡皇女淑平原公主疏 同上

諫營治宮室疏 同上

長葛縣志

卷六

七

又疏諫營治宮室 同上

諫追封太后父母 魏志宣武卞后傳

薦管寧 魏志管寧傳注引傅子

奏請魏王受禪 魏志武帝紀注引魏略

奏定歷 晉書律歷志中宋書歷志上

復肉刑議 魏志本傳

追尊始祖太王爲高皇議 通典七十二

諸王國相不應爲國王服斬綬議 通典八十八

與諸葛亮書問劉巴消息 蜀志劉巴傳

汝穎人物論 魏志荀彧傳注引荀氏家傳

兩晉文

棗據

表志賦并序 藝文類聚二十六

逸民賦 文選謝靈運經斤竹嶺越嶺溪行詩注

登樓賦 藝文類聚六十三

船賦 凡四條 顧聚七十一 太平御覽七百七十三 兩條引

追遠詩序 宋書百官志下

雜詩 文選

鍾雅

奏改太廟祝文 晉書本傳

奏劾尚書梅陶 同上

韓伯

議周勰 晉書本傳

辨謙論 同上

長葛縣志

卷六

八

爲或人答殷靈符問 通典九十七

王述碑 文選沈約齊竟陵王行狀注

鍾琰

遐思賦 藝文類聚三十四

鶯賦 藝文類聚九十二

前梁文

鍾岍

食生物議 南齊書周顒傳

鍾嶸

上齊明帝書諫親細務 南史本傳

上言軍官 梁書文學傳又南史本傳

詩品序 梁書本傳又詩品

詩品上 詩品

詩品中 同上

詩品下 同上

丙 金石目

漢僕射荀公碑

洪適隸釋東北十里墓前磨滅

陳氏三十六碑

太平寰宇記引在陳氏家傳云紀譔以下三十六碑並在長葛縣陘山之陽

敬使君顯儒碑並碑陰

後魏興和二年正書隆初清乾隆時出土

馮善廓造浮圖銘

唐萬歲通天二年四月趙頴撰姚環正書

開元造浮圖銘

唐開元十二年造民國八年金魚河冲出今藏縣教育局

陀羅尼經幢二

皆天福四年造考後晉高祖出帝及後漢高祖皆用天福年號定碑爲五代時物今一嵌東門外端壁寺一在小南門外觀音堂

長葛縣尹趙侯德政碑

元至正四年張繼祖撰蕭趙賢正書

重修文廟碑

清乾隆間知縣阮景咸集歐陽詢書鉤勒上石

長葛縣志

卷六

九

四稜碑

在縣城隍廟前

洪福寺鐘相傳能自鳴

端壁寺大鐘

明正統七年造重千餘斤大數圍

關岳廟鼎

明天順三年造

端壁寺鼎

明隆慶六年造

丁 文存

漢宣帝神爵三年封黃霸詔

漢書黃霸傳

潁川太守霸宣布詔令百姓鄉化孝子悌弟貞婦順孫日以衆多田者讓畔道不拾遺養視鰥寡瞻助貧窮獄或八年亡重罪囚吏民鄉於教化興於行誼可謂賢人君子矣書不云乎股肱良哉其賜爵關內侯黃金百斤秩中二千石潁川孝弟有行義民三老力田皆以差賜爵及帛

異聞記 抱朴子內篇對俗

陳實

郡人張廣定者遭亂嘗避地有一女年四歲不能步陟又不可擔負計棄之固當餓死不欲令其骸骨之露村口有古大塚上巔先有穿穴乃以器盛糲之下此女於塚中以數月許乾飯水漿與之而舍去候世平定其間三年廣定乃得還鄉里欲收塚中所棄女骨更殯埋之廣定往視其女故坐塚中見其父母猶識之甚喜而父母初猶恐其鬼也入就之乃知其不死問之從何得食女言糧初盡時其飢見塚角有一物伸頸吞氣試效之轉不復飢日日爲之以至於今父母去時所留衣被自在塚中不行往來衣服不敗故不寒凍廣定乃索女所言物乃是一大龜耳女出食穀初小腹痛嘔逆久許乃習

道家言精滿不思淫氣滿不思食神滿不思睡此女效神龜吞氣之法竟能三年不食或即氣滿不思食之理乎近世新學逐漸發明或有以解之

錫九偶誌

陳太邱碑

漢蔡邕

先生諱實字仲弓潁川許人也含元精之和應期運之數兼資九德總修百行於鄉黨

長葛縣志

卷六

十

則恂恂焉彬彬焉善誘善道仁而愛人使夫少長咸安懷之其爲道也用行舍藏進退可度不微計以干時不遷貳以臨下四爲郡功曹五辟豫州六辟三府再辟大將軍宰聞喜半歲太邱一年德務中庸教敦不肅政以禮成化行大謚會遭黨事禁錮二十年樂天知命澹然自逸交不諂上愛不瀆下見幾而作不俟終日及文書赦宥時年已七十隨隱邱山懸車告老四門備禮閒心靜居大將軍何公司徒袁公前後招辟使人曉諭云欲特表便可入踐常伯超補三事紓佩金紫光國垂勳先生曰絕望已久飭巾待期而已皆辭不至弘農楊公東海陳公每在袞職羣寮賀之皆舉手曰潁川陳君絕世超倫大臣未躋慙於文仲竊位之負故時人高其德重乎公相之位也年八十有三中平三年八月丙午遭疾而終臨歿顧命留葬所卒地時服素棺槨纔周櫬喪事維約用過乎儉羣公百僚莫不咨嗟巖藪知名失聲揮涕大將軍弔祠錫以嘉謚曰徵士陳君稟岳瀆之精苞靈耀之純天不慙一遺一老俾屏我王梁崩哲萎於時靡憲緒紳儒林論德謀跡謚曰文範先生傳曰郁郁乎文哉書曰洪範九疇彝倫攸叙文爲德表範爲

士則存諱沒號不亦宜乎三公遣令史祭以中牢敕史敬弔太守南陽曹府君命官作誄曰赫矣陳君命世是生含光醇德爲士作程資始既正守終又令奉禮終沒休矣清聲遺官屬掾史前後赴會刊石作銘府丞與北縣令赴葬荀慈明韓元長等五百餘人總服設位哀以送之遠近會葬千人以上河南郡神府君臨郡追歎功德述錄高行以爲遠近鮮能及之重部大掾以時成銘斯可謂存榮沒哀死而不朽者也迺作銘曰哉哉崇嶽吐符降神於皇先生抱寶懷珍如何是穹既喪斯文微言圯絕來者何聞交交黃鳥爰集於棘命不可贖哀何有極

鴻臚陳君碑

魏邯鄲淳

君諱紀字元方太邱君之元子也始祖有虞受禪陶唐亦以命禹其後嬖滿當周武王時胙土於陳君其世也君生應乾坤之純質受嵩嶽之粹精內抱九德外兼百行淵深淪於不測膽智應於無方宏裕足以容衆矜嚴足以正世然後研幾道奧涉覽文學凡前言往行竹帛所載靡不坐談其盡善也輿臺焉其誘人也循循焉是以令聞廣譽塞

長葛縣志

卷六

十一

於天淵儀行嘉誨範乎人倫存乎本傳故畧舉其著於人事者焉顯考以茂行崇冠先儒季弟亦以英才知名當世孝靈之初並遭黨錮俱處於家號曰三君故得奉常供養以修子道親執饋食朝夕結歡及太邱君疾病終亡喪過乎哀崩傷軀血如此者數焉服禮既除戚容彌甚聞名心嬰言及隕涕雖大舜之終慕曾參之自盡無以踰也豫州刺史嘉懿至德命勅百城圖畫形像於今遺稱越在人口既處隱約潛躬味道足不踰闕迺覃思著書三十餘萬言言不務華事不虛飾其所交釋合簪規聖哲而後建旨明歸焉今所謂陳子者也初平之元禁網蠲除四府並辟弓旌交至雖崇其禮命莫敢屈用大將軍何進表選名儒君爲舉首公車時徵起家拜五官中郎將到遷侍中旬有八日出相平原會孝靈晏駕賊臣秉政肆其兇虐剝亂宇內州郡幅裂戎輿並戒君冒犯鋒矢勤卹民隱訓之以禮教示之以知恥視事未期士女向方會刺史敗於黃巾幽冀二州爭利其土地料敵知難不忍其民爲己致死迺辭而去之於是老弱隨幕振懷持轂輪不得轉遂晨夜間行寓於邳郯之野袁術恣睢僭號江淮圖覆社稷結婚呂布斯

事成重必不測救君諗布不從隨與成婚送女在途君爲國深憂迺奮策出奇以奪其心卒使絕好追女而還離逃姦謀使不得成國用又安君之力也惟帝念功命作尙書令會車駕幸許拜大鴻臚實掌九儀四門穆穆遂登補袞以熙帝載不幸寢疾年七十有二建安四年六月卒惜乎懷道處否登庸日寡實使大業不究元勳屏建茲海內所爲嗟悼凡百所以失望也天子愍焉使者弔祭羣卿以下臨喪葬有子曰羣追惟蓼莪罔極之恩迺與邦彥碩老咨所以計功稱伐銘贊之意遂樹斯石用監於後其辭曰於穆上德時惟我君固天縱之夫鍾厥純命世作則實紹斯文遭險龍潛抗志浮雲所責惟已樂存事親雖處呋呋天子屢聞迺隆卽將陪帝作隣平原寇深遂辭其民思齊古公邠土是因不忘諗國惠我無垠復命喉舌秉國之鈞爰登卿士媚茲一人如何穹蒼不授遐年眇厥在位每懷不申股肱或虧朝誰與詢莞莞小子號泣於旻勒銘表德久而彌新

北魏禪靜寺刹前銘 敬史君之碑

失撰人名

長葛縣志

卷六

十一

公名曰字顯儒平陽泰平人蓋虞舜之苗裔田敬仲之後也舜有康哉之侶敬有和鳴之應德徽書史道合無名自茲以降世阜哲人龜組織襲英聲不朽公資黃中之雅氣稟川岳之粹靈苞一德於懷抱淵萬頃於胸襟操節端華風神雅峻博學多通無所成名振徽音於綺歲備九德於冠年豈伊一日千里實曰王佐之才解褐奉朝請於時女后稱制權移外戚黨樹私門謀危王室公秉義發憤肆忠奉國結周公河西之略咨義真折角之恥掛冠辭闕杖劍歸鄉虎步方州翹心日角孝莊統歷攝履還朝帝嘉迺功用優勳賞封泰平縣開國子除晉州別駕永安之季元兇伏罪殘醜遺燼更相鳩率始資賈詡之計終成李郭之舉責罪宣平交兵象闕長戟百萬胡騎千羣大丞相渤海王德隆齊晉作牧唐都志存匡合克剪封鯨以公器宇淵亮民望所歸特申請抱委以經謀公深識時雄固計強弱豹變從時應機而起毗文贊武專按劍之功帷籌野戰參斷鰲之力長蛇旣剿龜鼎維新策勳有典式酬功效進封永安侯食邑千戶拜車騎將軍度支尙書公位居省闕祇在樞機竭忠奉上庶情求瘼獎進英賢糾廢奸慝宿滯必申

頽綱由勅今上德配元黃融濟日月鑒殷從御未遑外略秦隴放命乘此憑陵驅率戎虜擾我生民汾晉邊遐偏被其毒維捍所寄事符賢傑迺以公爲汾州刺史尋轉晉州刺史車騎侯如故公秉麾出關佩錦歸鄉明賞罰以勸元戎敷仁澤以字黎庶乘機迭出智勇兼奮歲聿未周奸淚遁跡百城旆櫜四民歸堵噉飯之謠不息安居之詠更新雖李牧御邊細侯治雍不能尙也又燕司失馭編荒作逆連黑山之衆峙黃巾之勢縱橫海表陸梁幽冀震感皇衷命公是討公運六奇於帷幄忘七尺於戎行探淮陰平趙之略協段熲破羌之謀廣張旗幟厲怒三軍紛紜馳突遂夸兇醜凱旆而歸增隆寵秩拜儀同三司韓地邊嶮繡連蠻楚夏風攸改夥僞成俗密人不恭鷄張嶠壑黠虜因資玩威疆場歷政爲艱莫能芟遏百姓彫傷流離略盡天子悼兆民之塗炭惟邊柝之須才終朝忘食夜分不寢以公畧不世出德效累彰除殘拯溺功莫可加拜驃騎大將軍潁川刺史大都督潁州諸軍事儀同三司開國如故公深惟臣職辱不求易憊遇縣根薄言來踐輕賦斂以阜民財勞止握以招賢俊嚴治烽候宿擥輕肥權火或舉豹騎爭

長葛縣志

卷六

十三

先鬼出電入梟囚萬計賞不踰功罰必當罪人物輻輳襁負雲歸玉燭登年絃歌不息亦旣芟夷世難功濟生民復惟舟梁苦海運茲迷溺敬崇三寶翹翥九劫望維衛以虛心念毗耶而延佇此地實爲高敞眺實遐隆遠乘山岳邇帶池關惟金剛之妙宅諒神基之淨土故平陽太守潁川太守使持節秦州刺史梁洪雅攝情物外宅志道場爰建精廬鬱茲形勝水火蒸交年歲攸積龍宮梵室彫落朽故公迺勉率僚佐肅心營造遠訪名工窮盡巧麗建七層之寶刹寫雙樹之光儀金瓊疊照朱紫聯華長廊四密廣廈清疎名僧遠萃大法律流憑此至誠仰賴皇帝陛下祚隆天地齊光九劫化漸三途率偕四果俯自誓最順終如始有滅有生無虧八方之因無生無滅濟此婆婆之苦湛露易晞貞剛惟久式裁金石永照不朽頌曰惟聖之後達者克昌代綰圭組世有蘭芳挺茲明德隆贊霸王齊鑑管范閑步蕭張弱齡聰璫岐年秀發藉蔭聖童徇齊初月疾惡如風趨善如蹶百行是兼三省無闕作牧西蕃君臨南甸荒服來庭鯨鯢山剪政行保障化銷絲繭大啟千乘職聯三鉉發揚拯壓開職道騰飛薨架雨寶刹分虹月光照耀

日影玲瓏業茲世福永樹來功檀越元固鸞新除使持節都督潁州諸軍事驃騎將軍
潁州刺史當州都督崔叔仁施地五十畝潁州太守王儒施地三十畝檀越朱景略施
地二十畝維大魏興和二年龍集庚申

聚星堂畫屏贊

宋朱 熹

猗歟陳子神嶽鍾英文淵範懿道廣心平危孫汗隆卷舒自我是曰庶幾無可不可獻
身安衆弔豎全邦爛然方寸秋月寒江願言懷人曰我同志故朗陵君荀季和氏連峯
對起麗澤潛滋愛而不見有黯其思薄言造之顧無僕役獨呼二兒駕予以出青芻黃
犢布幘柴車紀策前衛謚杖後趨所造伊何高陽之里維時荀君聞至而喜顧謂汝靖
往應於門七龍矯矯布席開尊清肅而前翁拜其辱何悟斯晨得見清穆命爽行觴旅
饋次陳獻酬交錯禮度情親載笑載言罔非德義益邁乃猷以輔斯世髦髦兩稚亦寅
膝前原深本固莫出匪賢維此慈明特謝儔匹晚際國屯敢憚濡迹贅旒之命恃以少
延邦朋之最孰與爲先攸乃附曹羣亦忘漢嗣守之難古今共歎崇臺罔極於以占天

長葛縣志

卷六

十四

猶曰茲野德星萃焉我實有亭舊蒙斯號今刺前聞象儀以告高山景行好德所同課
忠責孝獨慨余衷百爾窺臨鏡考毋怠死國承家永奉明戒

崔公去思之碑

元袁 桷

昔柳子厚嘗曰邑有令有佐政當擇天下之士使盡其職庶幾民安其業偉哉斯言蓋
設官分職本以爲民任賢使能乃可稱職况明王立政不惟其官惟其人唐太宗亦嚴
薦舉之人重縣令之選如此則令之祿秩不爲卑矣居令之職者可不重其人歟至元
甲子崔徵事由省掾歷筦庫勅授長葛尹下車以來待同僚如家人愛百姓如赤子視
公事如家事日與達魯花赤伯要觸公孜孜講求民瘼勤者賞之惰者責之視民之疾
苦飢寒若已致之好訟之黨飾詞欺誑者即與民辯之婚田之爭調弄遷延者即與裁
決之公之用心可謂勞矣姑自其大者而論之人心所以不忘於今日者有二事焉舊
本縣戶口比之郛城不等而差役則與之同公親錄其實以聞蒙上司均賦寬恤有除
減均一之命又百姓每年該納造作軍器物料局司左右皆不體上司優恤之意秤斛

之弊久爲民害公奮不顧身較其斛秤致蒙上司減除公數雖他縣之民亦受其惠蓋寬一分則民受一分之賜非公平日以公正自持以廉勤自守曷克臻此不寧惟是退食之暇喜閱顏帖筆不停書或與士大夫講論終日無倦又於冬月躬率吏員講受論孟夜分乃散若夫躬行田里勸課農桑欲民知力本務農也立東西二學絃歌之聲不絕於市欲民知孝弟忠信以事其上也親調人夫開溝洫築堤岸以防石象柳莊孟村等保之水欲民免於昏墊之患也至於營建公廨鼎創醫學三皇廟雖材備甚大然皆不奪民時故民多樂爲之初無難色雖是數者皆職分之所當爲采之輿論有難以盡述者大抵世必有非常之人然後有非常之功夫非常者固常人之所異也今方百里之民見公之功不銜能不矜名不煩其政令愛如父母敬如神明去之日猶存扳轅臥轍之意者則其爲人賢不肖何如也昔漢光武謂羣臣曰郎官職應列宿出宰百里苟非其人民受其殃今公具公輔之才膺百里之寄終始如一清節愈勵可謂得其人矣他日以其宰一邑者宰天下使四海之民均被仁澤實自今日始噫公之來也甲午之

長葛縣志

卷六

十五

秋公之去也丁酉之秋夫子曰三年有成今於公見矣公諱傑字彥才家世登封嵩山之下居焉公自少時天資穎悟識見明敏里人皆奇之及登仕路守父母之訓嚴苞苴之戒惟甘淡泊靡事華侈故其所立如此一日邑士及在官者求文於僕以傳不朽僕曰文則吾不能請紀其實遂爲之記以見去思之意復繫之詞曰

欽歎賢哉天性慈仁饋獻首絕政事惟淳詞訟即決賦役常均興利除害安富恤貧一廉似水百里如春奉公履正萬古良臣今君去矣遺愛在民列諸貞石以勉後人

趙侯德政之碑

元隱士張繼祖
洛陽人

長葛尹趙侯卸政之踰月邑士張裕范士賢等狀其行事之實將列諸貞珉以示悠久而爲來者勸厲筆於伊洛生張繼祖再辭弗已歷節而讀之知侯之公且惠也遂勉爲書之按狀至元六年南宮趙侯來尹是邑以尊賢下士爲先務事之合義者力行之不憚煩勞不茹吐剛柔徒駭人之耳目惟在布公道推誠心置人腹中所期者寬民力厚民生薄賦輕徭家給人足興禮讓之風成可封之俗首以廣學校延師徒俾鄉社子弟

通經修道正彝倫崇信義感發士氣裨益名教者良多勸農耕桑墾闢田疇勸力衣食役不妨於東作穫有望於西成其務本之徒輸情自盡凡聽訟詳明被抑者遽能雪其冤無情者不得盡其誣拔本塞源公宇清謐負其罪者法疑惟輕不虐無辜不察小疵人喜其寬刑故不濫由是權豪縮其橫暴黠吏反於平和一之歲肅而教之二之歲惠而愛之三之歲富而安之真謂章絃適中受錫者衆獄之平反事之疏決不能枚數邑之土地大率腴少瘠多其初以賦役不均重困斯民責在吏乎土者失於循察於是按轡阡陌家至戶到以覈其實定爲三甲高下皆平盡革放富差貧之弊邑人久不被化轉徙流離心無歸計者有年矣猷聞寬政風動隣境感化而自至者如柳莊保刁林等一十七戶仍復其業侯以勞來優之非戶口增與聽訟之始不移晷而決以致懷謫負佞接踵而來喧呶如市侯首陳國治喻以禮義得其情訴者赧服而退其爲訟簡不亦宜乎勸課農務萃其老壯諭以厚生正德之道勿廢三時暇則入學肄習孝弟忠信禮義廉恥等事於是爭慕綱常恥越非分人心悅從致圉圉常空非盜賊息而何邑之南

長葛縣志

卷六

十六

畝多濕地少遇天雨沒而殆盡侯諭士民高郎等以種稻決澗水以溉之到今獲利者三百餘頃所謂田野闢者烏足病哉縣西北王村杜村澗水中流橋梁二處八社之衆併力供水甚爲擾民侯召近渡之家各備己力而成二橋蠲其雜役免爲看守八社俱免其害愛民尤切於此他如委考城而息張典史之訟檄尉氏而發杜德誠之詐以至辯夏津劉思敬之爭地折鄆陵鄭鸞兒之誣命諸如此類有楮穎所不能悉者葛之感慕碑其事爲去後之思侯既代與許官士爲別予始獲一臂交聞其言論高明醇正皆從問學中來屈致鰥邑咸有龐統之歎意者其才器剴繁劇而有餘其心地惠愛施之靡竭若夫束帶於朝蜚聲振德得行其學固將大有所爲而不止如今日矣古謂盡技於屠牛豈拙於割雞也耶公名志字士先蓋其先勳閥世家代有顯人其清白相傳信有所自云他日廟堂之上其或考長葛之公牘採鄉井之民謠則凜然公議之在何暇予屑屑書之係之詞曰

堂堂趙公學膽才雄家傳清白勳閥南宮政治繡葛古人之風寬猛得宜章絃適中景

賢下士意誠貌恭琴清心閑百里春融奚啻五事蹟多最功爲霖是職製錦非工勒之貞石思惠何窮大元至元十年夏五月上浣闔縣公立

黃公神道碑

明湖南長沙人李東陽

比歲都察院右都御史黃公有疏請老朝廷慰留之公請不已乃許致仕令有司給驛歸嗚呼歸有日遽以疾卒於寓舍弘治癸丑八月二十二日也公緯紱字用章其先河南封邱人元季兵亂曾祖思豫携家客湖廣沅州國初從三帥克復雲南占貴州平越衛籍祖諱秀考諱中俱贈都御史公少補衛學生正統丁卯合試雲南鄉闈名第五戊辰登進士第初命爲行人久之擢南京刑部員外郎進郎中嘗署部事陞四川布政司右叅議督糧兼理兵備松潘地險番夷出沒餽道阻戍卒多飢死公撫士通餉嚴立賞罰或出兵剿寇至冒矢石以行闔境無事遷左叅議出行屬縣有被誣爲盜者逮繫凡三十人久未決公潛察其冤辯釋之民競稱快進右布政司督建昌銀課公以所費倍所產特奏免之轉湖廣左布政司每歲京課銀九萬兩會修南京國監賦銀亦不下

長葛縣志

卷六

十七

萬兩公念歲歉不忍取民悉以寶帑餘銀代納自餘節縮浮費凡所積視昔倍多妖僧繼曉歸鄉祭掃大張聲勢公竟擒於獄未幾拿赴京師斬之中外服其明決蓋歷正統景泰天順成化以來稱久次者莫之或過而其名愈著不衰遷右副都御史巡撫延綏公增築邊牆移改驛渡邊人皆利之參將郭鐫違法過多公劾奏提問巡按御史勘實覆奏斬之公生平執法門無私謁南京戶部尚書闕太傅吏部尚書王公據實素知公與諸大臣會薦之以副都御史徑拜尚書者殆近時所未有也先是浙江福建湖廣江西諸布政歲入錢鈔多因緣爲奸公請折銀課行之至今尋改南京左都御史越三年而致仕公性嚴介不容物遇事輒徑行己志無所顧慮以爲時所忌或諷其崖異卒不爲變此王公所爲知公者也公娶孫氏戶部員外郎鏞之女封宜人贈淑人繼娶魯氏封淑人孫出三子楫霖彬女一適刑部郎中門相長子魯出二子杞桓杞以恩例爲國子生先公八日卒一女尚幼孫一應鶴公雖歷諸藩老念河南桑梓故地地且善仍營故里將老焉乃以楫霖俱補府縣學生彬舉鄉貢進士其卒也年七十有一上聞傷悼

遣官諭祭命有司營葬事皆如制諸孤預致書狀介其戚人戶部主事侯士賓請余爲公墓表乃卜明年甲寅十二月十一日葬公長葛馬陵之原以成公志嗚呼乃銘之曰翼翼南都並建朝署中臺屹屹彈壓曹吏公居其間地望實崇垂紳執簡有大臣風自少及老閱所嘗試十命四朝殆盈五紀保功完名於宦之成天不終壽七袞亦盈生歸死葬公有治命汴州故墟事乃天定誌有人物宦寓各殊後人求公當不一書我銘非史以誌終始百世之下庶其在此通家弟李東陽頓首拜撰

王公去思碑

明許
州人 蘇繼歐

頃予以補選入京發里中道經長葛憑軾餘見前途有皓首扶筇携稚而來者數十人皆葛邑父老也遮予而請曰吾儕小人非敢爲行李淹也惟明公言足誌吾邑侯仁政不朽矧五載期及徵綸且旦暮下而明公行遠則言有足傳矣今吾儕謀立石願稍留藉椽筆而記焉公之賜也敝邑之望也敢以爲請予曰唯吾亦邇葛而猶食葛之毛德公豈下若輩欲以鳴德而能無言乎第予以東西南北之身於公政微懿見聞多未逮

長葛縣志

卷六

十八

欲言之詳也亦惟儲父老所臚列而予實錄之可也父老曰明公言是矣第心主政政即肖心侯之心天日爲昭衆共見之蓋廉而不炫仁而不私明而不苛威而不猛慎而不蕙敏而不迫侯不自匿其心又欲周乎一邑小民之心是侯所以主張庶政者吾儕小人亦竊窺其一斑矣敢貢陳之予曰公楚南望族也世德淵閎忠厚孝慈世所衍也明哲豁達天所植也蚤捷巍科而首君我百里猶龍騰太阿初試其鋒也若窺侯心體之弘宰世以之獨一邑乎而因心鑄政必有爲名輩津津口碑者盍悉諸父老曰侯念念恤民急剔民蠹三尺維謹聽獄必親胥吏隸卒兢兢恐罹於法且與居有節啟閉以時自堂階達城郭清風穆如一邑雞豚無擾老無吠則皆侯政所貽也予曰美哉政肅而恬矣父老曰侯蒞邑初卽欲爲民汰積習而潛化源故諭之以科條申之以孝弟軌之以型模信之以賞罰且又崇聖重儒迪德課藝拔滯周宴令士氣振而文運興爲民倡首是則士民所共翹首而頌者歟余曰美哉政文而巽矣父老曰侯深惟邦本切軫民依疆界溝洫數殫心力如浚池如開鳴湖急爲民興水利且在昔旱魃蝗蝻之日侯

片晷不敢寧居致齋祈禱悉去若患而後即安更設糜續以救凍餒給餼以掩骼夢侯之加意於窮者真不啻切膚之災也予曰美哉政勤而溥矣父老曰猶未也侯政無繭絲賦砥緩急河平幫額急爲請蠲懼民脂官平其價訟獄盡情細苛悉寬重贖止例戒貽德也其他懲悍僕之欺正分也禁猪奴之戲防淫也察里黨之奸治梗也緝四封之盜靖民也新東嶽祠飭停驂罷豫車騎餽率之用又以禮神人蘇物力也此皆侯政之美不可屈指數者敢略述其梗概焉余曰侯以仁心鑄仁政心無窮政可窮乎固宜父老述之不能罄也父老曰更有進焉雖居官蒞政而孝念愈殷在邑未幾即以安車迎祖太夫人暨太夫人於邑署蓋出坐堂皇以孝訓民人對兩尊人更殷然以孝自篤也政教具矣忠孝全矣此又吾儕所未經見者今始見之侯余曰政即教也孝即忠也侯以身樹民鵠即政之大款會於是乎在且無限徽懿所自出也如水木之有本源也寧獨邑治得民合符前喆實出此心即從此聖天子司喉舌任屏翰歷樞筦衡軸之寄而其所披瀝承宣矢謀定策以無負任天下之重者皆此忠孝合一之心所密運也願

長葛縣志

卷六

十九

以予言券矣父老曰邀福明公肯記侯仁政爲吾邑賜不啻百朋矣敬誌以謝第吾儕小人戴侯罔極欲有頌聲以垂諸久奈椎魯之詞不足勒何敢并以累明公予曰予既聞父老之言得侯政之真體妙用竊爲記之以鳴侯德矣又何難代若以頌頌曰維彼荆山載璞之光連城既售國籍輝煌君我潁川齊徽四長合鑄惠威動施教養權無錯貸政弗旁撓冰清堂署春盎村皋聿崇文教賦治菁莪振士造民鑰啓良多驅蝗寢魃數倚精誠望慰嘉穀百室其盈止訟薄鍰防奸息盜式俾善良賴侯有造百爾善政橐籥孝思兩尊祿養羣祝期頤赤子瞻養虞侯違我置此華封升於青瑣丐文勒石肖貌建祠爰匹甘棠匪啻峴碑雲泥縱隔怙恃彌長侯登扉閣茲屬并鄉公諱奇湖廣穀城縣人由舉人知長葛事大明萬曆四十九年歲次庚午仲春立

長葛邢公子死難傳併贊

明甲戌狀元 劉理順

長葛陷文學邢爲法諸人死之初賊攻破禹州屠戮甚慘法家奴泣告賊衆勢大旦暮來攻孤城何恃不如行也時法率弟文學爲憲方與孝廉孟良屏李青芝明經黃朝聘

諸人勵衆約法誓同死守叱其奴曰爾輩烏知大義及賊四面合圍法等分城捍衛有潛說邑令者曰事急矣投見可免邑令乃縋城下持印入賊營告賊曰欲開城迎奈主守者孝廉孟良屏等並諸生邢宦之子也賊怒割刈大樹實隍刻期雲集勢不可支賊既入城縱兵肆殺法憲猶督僕從下堞與賊巷戰格殺數賊既而賊大至殺其僕且盡法憲亦中傷賊傳令索主守者衆乃擁法並弟憲至賊詢知爲卿大夫子惟逼索金錢許以不死法曰吾父清白吏顧安所得金錢賊聲色俱厲曰汝父清官難道無數百金買命乎索之甚卒無以應繼以法兄弟善騎射抽刀加頸上迫以相從憲大罵曰恨不生嚼狗輩謝城池欲我爲降將軍乎即斷舌噴血作厲狀不休賊怒械一日夜擄掠備至慘毒萬狀而終無怯容歎語遂同遇害法妻李氏亦抗節而死憲妻董氏項中數刀僅得不死法憲既死而賊問土人以邢宦居官清正有益於鄉人家本無財賊聞之亦自悔誤殺好人旋傳令不許焚邢氏住宅嗟乎賊入中州膏賊刃者多矣殺之而旋悔者幾人哉史氏曰余與韞斯邢公爲甲戌同年且友善稔知其爲人凝如斷山懷若冰

長葛縣志

卷六

二十一

幹起家濰水迄今歌孔邇頌神明者交口如一旣得兩公子抗節狀則又爲唏噓太息不能已已嗟夫有是父宜有是子蓋忠孝淵源矣青衿無死責也明知去之必生留之必死終不肯苟爲趨避此其天性植立所以處死者何暇豫乎設居無可逃之地又肯昧昧猶人耶噫身與專城責在守土乃存心從逆曲膝媚賊而城破家亡憤不顧身固出於閉戶攤書腰無尺組之士抑獨何與聞法昔在濰署曾擬文信國正氣歌詞甚激烈中有死忠盡節句或訝其謾孰知竟以成一生之是哉命也有性焉彼結符遇賊不以一矢相加遺者視此愧死不遑矣苟顏偷活與慷慨就義孰得孰失必有能辨之者此義士之所以可傳也

邑侯聶公德政遺受碑

明浙縣 鄉進士 胡守禮

余遊蕩成癖客燕久因思古勝周晉間爲最遂跨河謁嵩由東京趣朱仙鎮禮忠武歷西南而爲長社之野身騎俱倦跌憩道左有耕夫耦鋤而歌曰時飲啄兮侶鳴禽桑麻茂兮疇與深枕簟臥兮移棠陰爾時韻悠神遠幾栩栩然游於擊壤矣及邑接彬彬人

士皆雄姿英發素佩大方者且凡置一頌曰明明我侯中天福曜粹精其修金玉其表與聚弗施匪怒以教襦袴乃興簪纓斯兆華袞匪遙口碑載道懋績厥彰廷尉是召勉我人斯是則是倣余更異之並述前歌爰質所指曰此聶侯德政詩也侯蜀劍州人號伊思諱明楷三載騰績擢大理去士民服之弗諼正欲鐫諸石而未遑也德政云何曰長葛斗大邑糧稅與大郡等民甚苦之侯由是力除火耗省徭役督耕耘平物價剪豪蠹革積弊濟荒教舉旌勤儉公給一依民置佐貳僅守成諾其心地光明即牧豎鰥愚亦可親顏色而洞見肺腑至法紀所係雖親故不徇是以民樂甦而至德於我庠序更多方造就剏微叩秘諄誨不倦謂邇來棘闈不雋豈直戰罪亦由地靈未培致人文屢鬱遂捐俸於學之東南建一文昌閣高四丈壯麗稱之更於城二十里許視石相村瀦地湧則圯畔囑禾爲一邑患侯早夜躬率開渠三十里轉害爲利亦東南而潄於漢巽峰峙巽氣通兀然成一佳形勝是即聯翩捷兩人而諸士子亦愈孜孜自好以仰副至意此我侯更挽回造化以福澤斯文者也余聞之而慨可知也輓近司牧者視官署

長葛縣志

卷六

二十一

爲傳舍惟彌漫其局面而中存一無所關切故民視其歸轅亦若秋條之脫其枯葉而絕不繫諸懷彫敝日甚澆僞風成實本諸此孰有是之仁慈無量而士民之夢寐依依也噫微哉侯當日之精神無刻不在下則以當日之拮据歸之侯侯不有侯之拮据士民之精神也今日士民之精神亦無刻不在侯則以今日之謳思歸之士民士民亦不有士民之謳思侯之精神也無寧茲在一邑則一邑在天下則天下廷尉天下之平也卽余海濱亦將蒙美利焉是固願踴躍操管以誌舊勳而試新政者也第淺劣之見不能揄揚萬一卽謳歌耕畔而頌泮水者還諸記勒以垂不朽則聖明良吏庶有聞風而鵲起者乎大明崇禎十四年歲次庚午孟夏之月上浣吉日葛邑城關紳董鄉民公立

遷學記

明大學士賈詠

粵昔聖王御世所以淑人心而成化理之功者惟學校之教爲大蓋民所由化俗所由成聖王之治實不外此故曰建國君民教學爲先是也四代學制不可尙已降自秦漢下迄近代以還學之興廢靡常治之或純或駁終不古若其有以哉惟我皇明誕膺景

命汎掃中原人文是崇綱常爲治大明孔子之道以淑人心圖化理聿新學制以申教典罔不畢備故額其徒厚其養領以師儒責以守令重以憲臣人才之成悉由於此而治化民俗之美亘古所獨盛也猗與休哉惟許昌之屬長葛爲縣既舊廟學之遷久矣邇者蕪陋之甚儒效闕疎邑人尤之率謂當遷第有司因仍無仰稱德意者嘉靖十有四年歲乙未閩之李侯鏊由鄉進士來知縣事見廟學卑隘甚非所宜慨然有改作之志未果會督學憲臣吳公至議以克合侯即領之越明年政通人和斯役可舉遂以聞之巡撫僉義其事尋委通府彭君相之得地治良隅廣延平正羣情胥協可爲學宮矣侯將戒役州守路侯聞而嘉之躬詣奠告已乃從事經工庀材考極定位而工肇焉首夫子廟庭起殿廡以及堂齋官廨門宇丹堊形制舉無不法下而生徒有舍庖廩有次繚垣植檜越歲乃成足侈前規而改後觀矣釋菜攸落謂當有紀以示厥後於是諸生蔣紹陳謨李周曹汝霖等相與至穎以事狀請爲記予惟伊昔聖王設教必先建學然後立師乃布厥典以爲官守我祖宗治極精矣惟任治教者之奉行耳顧茲廟學今餘

長葛縣志

卷六

二十一

百年無興之者夫何賢如李侯一旦改圖易地以拓以闢申於化邑厥功偉哉義士張廷珍捐金三百佐之已而仗義捐金者有人用是公私不匱而財自充督責不煩而民自勤况侯之作縣百度維新率多類是長葛之政爲許首稱是能祇奉明詔而罔墮厥職者也侯非良有司哉教諭李君典亦以鄉進士來署學事暨司訓范宗學周輓又皆以文學懇懇分教嚴督進修而諸生痛自刮磨期於大就惟道德是志登科掇紫固其餘事夫然後知學之興廢在人若有待焉豈亦有數乎夫人患無志志必有成今廟學儼然師承不假士際斯會亦何幸耶退而思之業患弗精行患弗成有司之弗公且明者弗之患焉審若是廟學之遷殆非徒爾其於我列聖銳意作人以隆至治之意庶幾其不負哉是爲記

泊水兩捷記

邑令 李在公

泊于勒石者紀戰功也戰功何爲勒石志戰勝之奇也燕山銘其巔銅柱標其名長狄識其子戰勝雖不同其功一也曷爲以奇言也泊水兩捷不戮一人人力不至於此於

是乎奇也予治葛三年戎服蒞事與二三君子日在韎韐跼注中繕甲兵峻陴守樓櫓相望飛閣流丹亦日分國家而顧之憂耳乙亥孟春流氛橫馳士有鬪志人無餒色已而烏聲樂賊其遁矣仲秋念五賊恃其衆飲馬泊水羽旄拂電黃霧四塞予令鄉勇乘其半渡擊之斬獲十一級內有識天王字一顆寇衆少却鳴金不傷一人詰朝復戰余同典史倪拱辰舉人孟良屏生員張範孔等手發數炮應聲擊死者數十人復令家丁李守等鼓厲內兵賈世威等督率鄉勇鏖戰自己至未斬獲六十四級奪馬騾千餘擐旗一面上書飛走南京復至河南八字賊遂潰竄鳴金復不傷一人余既實錄戰功達之當事復詳銓功次鱗集戎堂戰士見余曰予之力也夫曰公之訓也衆君子之勞也百姓之福也何力之有焉衆君子見余勞之如戰士曰公之訓也二三子之武也何力之有焉合力禦侮成功不居或制勝在成樓或力拘在原野要非河伯有靈不及此因爲之鼎立崇祀所以爲報也士民歌曰明公陰我德水縈廻殄此朝食於彼雁堆余聞之曰是可志戰勝之奇不失其處矣

長葛縣志

卷六

一十二

長葛縣題名記

邑令聶啟元

記曰古之人務實不務名故自立心修身以達於爲政率皆敦誠體道涵養乎性靈發揮於事業殊有可觀是故君子慕之而思則效也今之君子固不可謂其無人然獵名者日以衆議利誠僞之機不講紛紛而求名本爲駕虛襲譽其實無有終則蕩然而名又日益泯矣可惜哉往哲予毋論也惟我國家法度修明吏治近古方今聖天子臨御四載神謀獨運綜名實信賞罰誠有如昔人所云聖君賢相相與以成正大光明之業者海內羣吏肅肅然莫不砥礪名節以圖自飭非徒汲汲於名者然語有之曰名者實之賓循名責實恐亦君之子所不可廢者乎以所不可廢者而以義起之非過也舊邑多題名乃長葛邇自國初至於今日二百餘年而題名獨無豈令是邑者率皆務實不務名者哉是故有其心而無其政者厥澤罔施有其政而無其心者本實既淆政多紕繆無補於民間或心政兼懋矣乃復遊心古初簡靜自持知而不爲竟成缺典夫心政兼懋者後將思則效之而卒無所考繼至者能不追思乎矧忠詐邪正平易苛虐

與夫貪廉之行鏡今照後有勸有懲茲不樹題名可乎是知深明乎義利誠僞之辨蘊於一心施於有政政行而名著焉實大聲宏可則也寬平仁恕執法推行民孚而化洽焉即獲昭昭之名亦克副乎其實者也匪虛也體立而用行由心而運治古人得之矣茲邑也予將不題名可乎予每以爲懼思欲效法古人不可得輒於公冗之暇爰搜遺志訪求葛之名賢長老博物洽聞者自林庸而下及予得五十四人買石刻名凡履任歲月其字號有聞者並記之無則止書姓氏嗚呼自是人皆得指其名而議之予將勉之後之君子追思之慎之哉

重修漢太傅卓孔廟記

李 鉉

葛邑之東距城十餘里周道之左崇岡之上有廟曰漢太傅卓君廟按漢書君南陽宛人也姓卓諱茂寬仁恭愛恬淡樂道雅實不爲華貌行已在清濁之間自束髮至白首與人未嘗有爭競鄉黨故舊雖行能與君不同而皆愛慕欣欣焉哀平間爲密令力行仁政視民如子舉善而教口無惡言吏民親愛不可欺之數年教化大行道不拾遺遷

長葛縣志

卷六

二十四

京都丞密人老少泣涕隨從及王莽居攝以病免歸光武即位之初首先訪求君君時年七十餘詔爲太傅封褒德侯夫君以漢哀平間爲密令迄今蓋千有餘年矣尙使人思慕愈久不忘在在立廟以祀而況於當時者乎是非深仁厚澤溥及鄰邑烏能至是嘉靖辛卯春久旱官民殷憂邑侯王公奇率吏民往禱祠下是日即大雨夏末秋初中州處處飛蝗蔽天王公復詣禱之其蝗飛去葛土獨不被其害民獲豐登之慶巡撫藩臬諸公皆驚異稱獎邑中縉紳士夫有蝗不入境之賡歌嗚呼是故王公精誠所感實卓君靈應之殊功也是時祠宇敝壞王公遂命鄉耆張廷珍羅夏民等修之公首捐俸爲倡寮案師儒及邑士夫咸助貲焉張廷珍捐金居最且董其事期月羣材畢集卜日命工立正殿寢堂神厨門樓周圍垣墉無不具備工始於辛卯冬十月朔日告竣於次年春三月耆衆請余曰廟成矣煩先生爲文以紀其事可乎余曰卓君昔爲密令德政孚民史稱循良列在祀典也遠矣於今靈爽在葛有感必應爲民禦災捍患有如此厥功偉焉新其廟豐其祭以隆報功之典勒諸貞珉以貽後人俾相繼而修葺之孰曰不

宜即我王公殷殷事神庇民之意亦並傳不朽焉固與媚邪邀福者大不作也是爲記
清

遷建學宮記

清邑令 米漢雯

今縣學即古庠序之制春秋釋典重師儒率博士弟子員考德業三年省試所以崇聖教育人材也行鄉飲酒禮所以示養老尊有德也邦之教化於是乎興人之觀瞻於是乎肅不鉅且重歟長葛向稱名邦兵燹之後城社邱墟澤宮鞠爲茂草我朝定鼎招徠安集流鴻爰歸今三十年雖元氣尙未全復然雞犬桑麻浸浸有起色獨學宮日就傾圯棟宇僅存予下車展謁之次愴然靡寧即進紳士與爲籌度僉曰此正邑人之急欲陳請者學宮建於明萬曆之季前此科第接踵迨建立於此遂寥寥無幾地既湫隘且近城垣豈但狎褻亦疑其地之不靈即舊碑風急水厲之言原示後人隨時占驗以圖更遷且也修葺之費不下改創盍改卜善地爲鼎新乎予然其言申請諸憲臺咸以爲可適縣治東匯官地數畝地形秀發山環水匯詢之卜筮卜筮曰吉問之堪輿堪輿曰

長葛縣志

卷六

二十五

臧然狹隘不能仍舊制士民鄰近者皆願易地他所兼有所輸即此見此舉爲邑人所踴躍而從事矣擇期開工紳士里民願輸者頗衆水源木本之思固宜如是而能克篤者則可尙也諸好義者即書名及原助之數功竣勒之貞珉倡繼起而貽令名振科第而興文教食報正無窮也然此爾士民意也奚待蕪詞弁冕耶僉又曰分在則然耳然余又不欲爾邑人過費但嚴冒破遴工匠課勤惰錙銖積之即可告成勿曰土壤山陵所基勿曰涓流滄海所擇好善慕義久有同心知不待余言也余亦不致強焉

邑侯李公疏通河渠記

邑庠生 程曰鵬

公諱元讓字嶺泉江南淮安人癸亥歲膺天子簡命來蒞葛邑本道德文章以布經濟秉慈祥廉潔以立官方遍訪疾苦周恤輿情利必興害必除殷殷以民生之憂樂爲心洵自有葛以來一豈弟父母也葛被流氛凋殘之極歷四十餘年而瘡痍未盡起戶口版籍室廬田園猶在在闕如至康卹保尤甚地在縣治東北半屬沙崗半屬洿陂水旱俱爲患而水乃尤甚閒閒十畝俄而汪洋千頃鬱鬱青畦倏焉滔翻白浪竭三時胼手

胝足之拮据不能向河伯以乞命聚百室號寒啼飢之婦子何克問波臣而謀生雖五日風十日雨未免懸磬仰屋則二月絲三月穀得不割肉醫瘡舊有溝渠年遠寒沒居民幾欲疏通但成跡無存茫然不知措處惟束手浩歎而已幸蒙我公下車一聞其苦遂命駕往觀覽其故道相其形勢聚居民而諭之一一指示以疏鑿之方某宜深某宜淺某宜寬某宜狹某宜曲與直歷歷數諸掌上因擇日興作奈歲荒歉民苦饕殮莫給胡以盡力以待來年又恐仍被一年之害乃捐粟以賑之每於蒞政之暇一至焉再至焉民有昧於從事者親持其鍤教之且戒令勿亟更恐以枵腹而操土功大傷吾民力也於時里中之父老子弟相聚感泣而言曰此吾儕家事也乃至勞我公之勤恤如是吾儕能不竭蹶以赴乎其鼓舞踴躍之狀若有神助奚啻子來不旬月而功告竣焉矧矧者畋畋也非若疇昔之荒蕪井井者河渠也快睹今日之條理黍與稷翼永被我公之仁風溝深滄廣長流我公之福澤費有限之勤勞享無涯之利賴縱後有淤塞我公之成法自在繼起而謀之者當不患疏通之無方矣序屆仲春風日清明我公策數騎

長葛縣志

卷六

二十六

飄然而來樂觀其成憩息綠樹之下鋪茵以坐列杯酒盤餐承髦士而攸止之頃間蒼叟黃童供雞黍舉村醪長跼以進公忻然受之相與講農桑談種植勸勤儉惓惓弗輟熙熙相慶蓋依然家人父子之歡樂也非公已溺已饑之懷以實心行實政烏能變滄溟爲桑田闢之萊爲膏腴而至略分言情上下相得成百餘年僅見之盛事垂千餘載不朽汗鴻功也豈弟君子民之父母其我公之謂乎爰述其事以爲記

邑侯李公祠堂記

密令 袁鯤化

嘗思丈夫志在四方出生平才力建功海內布德蒼生皆分內事豈期有所感報而爲之耶然考績報最朝廷隆不次之擢遷衢歌巷祝閭閻深無已之瞻慕至如東山袁繡南國甘棠竹林寇公祠峴山羊子碑於身去之後猶繫思不置迄千百年名垂不朽良以崇功報德公好亦自不泯於人心惟公淮南大家世繼簪纓道氣才名夙冠江左甲午中副車以南園不利北游太學於癸亥奉簡命分符蒞葛大率以慨惻之心發之剛方之性是以落落寡合嘗爲余言既爲國爲民須任勞任怨何屑屑浮沉於人爲其夙

夜匪懈不至利盡與害盡除其心弗安若清田畝而包攬絕開溝渠而水患息嚴保甲而盜賊去起集市而商民便設義館造成小子課士藝扶進軍寒賑饑荒而荒獨有賴恤鰥寡而怨曠無聞吏治卓卓可紀不意甫及三年遽殞一疾終於丙寅夏五月余謬承憲委兼攝葛見其宦邸蕭條懸魚載石不過如是傷哉祇餘兩袖清風凌霄遺一腔熱血染花封兩公子雖少年英雋而事變倉卒何堪多難百凡竭蹶迨秋八月之朔十月始得扶櫬而歸余送之翼日丹泊於是聞鐘磬之響與賽鼓雜沓方欲詢之而邑之紳士里民皆含淚啣悲環向余言曰此李公遺愛處也新構祠堂謹修齋設祭爲送請一登覽首事乃李姓名保秀卿之耆老也脩道其詳河西若名康樂築成自西而起新市者我公也若西有岡岡下田數百頃歲爲潦水所漚民受其害歷百餘年公不辭勞勩數親指畫開濬溝渠變汪洋膏腴自今日以及世世永不致患於波臣者皆我公之賜也業刻石記之初欲立祠若中未果公既歿衆議立於雙泊河之東岸庶幾過河梁而思明德澤流溱洧撰口碑以勒貞珉頌播與人歲時伏臘供黍稷陳牲醴聊伸

長葛縣志

卷六

二十七

感報之懷堂甫告成碑尙未立因屬余爲文噫余於是有感於死生之際人情大可見也此堂不修於公在之日而修於公歿之後且悲泣祭送依依不忍別其情真其意切固爲人之厚亦以公之德入人之深人自不能忘也公而有是雖死猶生矣人或有一身沒官署爲公惜初不知文公潮海武侯秋原此心此理同也正完却分內事於丈夫之志爲無憾又何歉於公焉余與公情關桑梓誼篤葭莩自把臂都門及分光隣燭交稱莫逆雖知公之深而詞嫌溢美余辭之堅而請之益固不得已爰質言以記其事云

重修端壁寺記

邑拔貢 張于七

維康熙庚午歲乃皇上御極之二十九年其時百廢俱興萬邦咸寧四方熙皞稱盛治焉適值我邑侯晴山何父母以絃歌來撫葛土敷政平坦教民有道日舉上諭十六條而令申之勸諭之百姓無不知忠敬孝慈樂於爲善而勇於趨事也凡在邑之名蹟觀宇廢者修頽者舉率皆一時更新葛東偏舊有古刹端壁寺坐鎮龍砂興起文教爲一邑培養風氣建自宋祥符五年燼于明崇禎辛巳歲余率鄉耆程文明趙三慶劉文恭

于順治辛丑歲捐金重修因其時四方艱難草率粗舉恐不能堅久未曾勒石迄今三十年風雨頽敝上下濕漏觀者心惻余約諸耆老傅洪經囑弟子九姪洪錦等勸化閭邑善士復重修之棟宇上下而整潔如新堅確壯麗較前更盛一勞百逸稱永久焉其山門前後傾圯已糾社就理將次第告成矣因之勒石刻銘以誌不朽爰爲銘曰猗與休哉世無千年不壞物未聞百歲長生人相時補葺勤修理巍巍梵宮亘古新

重修長葛縣學碑

邑令何鼎

學校政本也養士以儲才明倫以章教敦詩說禮以厚風俗親師憲老以歸人心上欽乃司下觀而化可謂本務矣先王懼無本之不能訓治其民也將妨於政故自京師首善之區以逮山陬海澨莫不建學何獨長葛然長葛之學廢興不一法物不備儀禮不存固未全乎其爲學也是司牧之羞也學舊在縣治之東北隅元大定間毀於兵元末復毀自明洪武革命仍故址建之爲新政大典嘉靖十四年卜遷於東門前大學士賈公之記可考也第逼近城墉水土無演士氣茲鬱雖慎厥麗以勸民績用弗成我朝康

長葛縣志

卷六

二十八

熙癸丑前令宮允米君漢雯毅然有爲以求和其政爰擇中土而改建焉今之大成殿明倫堂其所翔也適滇黔告警戎馬騷騰工未竣何況其他丙寅之秋余承乏茲邑惟懼隕越甫下車祇謁

文廟但見瓦礫成邱荊蔓如戟荒穢不飭漬

聖無紀而况窮簷蔀屋草路鶉衣創殘未甦怒焉如擣用是罔敢適逸乃由裕民凡省刑薄斂積粟勸農諸事次第修舉謂是救時之政也而職思其本惟日孜孜以學校爲先務是年冬遂偕司鐸呂君賁恒寶君應選尉石君燦捐俸爲倡鳩工庀材其有不足者復勸邑之士大夫共樂成之升舊殿柱礎令高敞形鏤爲飾葺左右兩廡凡三楹闕額池駕以平橋前樹欄星門周垣惟丹堊正南交衢設屏以蔽內外皆錯彩焉不煩民不匱財不廢時務巍巍翼翼赫然可觀而學幾全矣然禮樂猶未興也當是時天祚明德么嚳伏質天子偃武修文奉答休命勤施於四方歲丁卯勅禮部下郡縣擇俊秀嫻禮義者爲樂舞生絃歌駿奔且稽式古制設法備物以光祀典余敢不祇乃初服故其

於樂也爲祝爲歆爲搏爲拊爲應鼓爲壎爲篪爲編鐘爲編磬爲笙爲排簫爲琴瑟之屬其於舞也爲幃爲籥爲翟爲麾幡其於享器也爲簋爲豆爲鉶爲雲鬯爲爵爲犧尊象尊爲簠爲簋爲帛篚爲篚爲鼎臺五事亦復捐俸勸資如制戊辰用集厥成紀年注册使司典之以垂永世將見春秋之事入斯門也登斯堂也有省牲展器之禮有贊灌詔酌之禮有鼓徵舍菜之禮有合樂舉舞之禮有登歌釋奠之禮有賓晏酬酢之禮彬彬乎質有其文焉然後知天子興道致治固有其本而余與學士大夫之所以嚴整宮牆者可於是乎觀政矣由是而雨不破塊風不鳴條和之至也由是而吏無遺奸民無伏憊忠之屬也由是而文教聿宣簪組迭留彝良克宅比戶可封化之成也雖不能至余竊有厚望用以識余孜孜於學之意時康熙二十七年歲次戊辰桐月上浣之吉

重修鄭大夫子產廟碑

邑令 鄭維麟

春秋時鄭爲小國然桓武佐王而緇衣作國僑執政而誰嗣歌長葛蓋鄭之湯沐邑也

長葛縣志

卷六

二十九

有子產廟二焉其一在陘山介新長之間爲子產墓所其一則城西五里崛起高崗躡百級而上廟處其中嵯峨孤峙舊奉明禋不替予戊午承乏茲土將以次修治而更新之不幸罹先人之痛不遂厥志邑文學郭子夢揚家在崗之下世紹文行慨然鳩工迺塗迺茨載聖載艘葺之翼如增之燿如神靈闕恤以安以侑遂造予而請曰維姬之公孫安知非榮陽水木且古遺愛也恭敬惠義君子道存博物洽聞又才與德之萃公其勒祠以永附諸石予蹶然興曰有是哉吾子之不忘先賢如是其勤且大也夫公孫僑以有道名卿輝炳千古今其鄉之俎豆圯而弗祀無乃有土之責而里中士大夫之恥乎况葛邑四郊少名山大川一阜歸然襟帶洎流拱揖陘隧中原膺膺攬同指掌風日晶熒雲烟萬狀亦一形勝之區也今試與子望古遙集南眺楚雲紛若組練西緬秦關乘韋索賦其咸有瘳焉北觀三晉太行旁隱儼如韓子羊舌大夫輩辨難往來語琅琅未休也東魯蒼茫邈泗瞻嶧紵衣縞帶聖哲之流風其猶在乎且鬱然者曩之田疇也熙然者昔之子弟也何弗舉宜吾子之嘆而慕也詩曰以似以續續古之人又曰高山

仰止景行行之郭君洵可謂不忘先賢而所期於後人者至深也於是請拜手爲之記而系之以辭曰高阜嵒嶙兮公孫之惠仁兮高崗崩男兮公孫之錫爾極兮神棲遲兮摺笏巍兮維千百禩兮懷茲碑兮

南羅武君墓誌銘

湯 斌

順治戊子余與南羅武君同受知於少參濟甯王公時公方司李天中余與君數往來汝上未得相遇公嘗告余曰南羅議論侃侃持己端嚴卓然君子也余心儀之長葛去睢不三百里人士聲問相通嘖嘖稱君之賢余以他日嵩少之遊當造門相訪以遂平生之願乃戊午三月忽其子贊介吾友韓子新具書狀爲君乞墓銘則君已於去年冬杪卒矣嗚呼同門三十年而未得一識其面尙忍爲之銘乎子新爲之請甚切不可以辭則卽平日所聞於我師與鄉人士所傳述者質諸嗣君之狀相符乃序而銘之君諱際盛字亦隆南羅其號也先世居晉之洪洞明初徙長葛遂家焉曾祖諱世剛有隱德祖諱定國好義樂施值歲歉蠲輸完漕民不知役出仕關中俸餘盡給貧民冬月製綿

長葛縣志

卷六

三十

衣施及獄囚四方歸仁焉考諱尙文庠員以孝聞母韓氏生二子君其次也君生二歲而孤母年未二十以柏舟自誓君髫髻卽知厲志讀書日誦數千言巖然見頭角寇亂避居覃懷益自刻苦補博士弟子試諸生間褒然舉首溫孟河內之間耆儒碩彥爲之避席矣戊子闈中已擬首薦總裁抑之僅中副車拔貢入成均屢試冠多士黃鵬涓太史雅器重之以爲可與熊鍾陵頡頏也太史謀爲設帳館穀歲數百金力辭不赴太史曰武君貧士不愛數百金此其志不可量也歸家杜門卻掃與里中一二名士晨夕過從樽酒論文商榷古今四方賓客至其邑者輒爲之下榻投轄月落燈殘情懷繾綣蓋其豪曠如此平生事親盡孝於兄析產讓豐喪葬一遵古禮亂後宗族姻戚播遷他鄉者招之使歸貧羸者助之撫育孤幼俾至成立延師聘娶數十年無倦也嗚呼此卽求之古人豈易得哉余未得杖履相從而今已矣不能不爲之痛惜也君生於前明萬曆甲寅卒於康熙丁巳享年六十有四配朱氏子一贊廩膳生員娶內鄉教諭王慎女女一適廩膳生員王承幹子枚功孫二長大勇聘廩膳生員劉曰燦女次人勇聘庠生寇

原勳女孫女一許聘增廣生員劉曰煙子塗銘曰

扶輿淳淑鐘於中土哲人之生爲時柱礎胡不通顯着勳天府身老烟霞名逾簪組末俗頽靡惟君樁柱道派分流惟君慎取岡阜盤回若堂若斧松柏丸丸亦莫或侮我銘在幽垂示終古

先賢陳文範先生祠記

禹州人官連格
大中丞

長葛西行五十里曰張史保漢陳先生故里有祠在焉不知創自何代先生常爲太邱長稱先生曰陳太邱稱祠亦曰太邱祠不敢稱名以示尊也然祠於其鄉而稱以官未善也先生卒時赴塋者三萬人私諡文範宜從其諡稱文範祠稱祠以人稱人以諡祠以人久人以諡重於義協矣正德間祠廢不治里人樊昇倡義修之萬歷己卯又廢樊萬復修之予高先生之義而論其世蓋粹然有道之人也漢自孝安而下漸衰以弱至於桓靈繼體主荒政亂宦寺專權國命將絕天下名士各負高氣樹立風聲志在匡時而疎於學術其強者抗憤朝紳橫議時政驕恣倖直釀成黨錮之禍其弱者恥嬰冠紱

長葛縣志

卷六

三十一

甘足丘園絕俗離塵養成清曠之節非不足以激揚名聲鼓動風俗使天下之士奮迅感慨波蕩而從之相與置號者二十四人立厠顧俊及之名氏者三十五人死徙廢禁者六七百人辭所連及二百餘人而先生不與焉遭時昏亂大人休否雖不能挽回世變救時立功敦信明義亦足以携持人心維風振俗諸子卓然不羣之行良可尙矣然以聖賢處此必有順正之方中庸之道縱不能回天安上撫時正民庶幾可以自免而諸子有輕死重氣立異爲高矜名憤俗不無賢智大過之弊况當其時紀綱乖紊天下滔滔而諸子者各樹朋徒互相譏揣區區隻手欲障江河多見其不知量也予獨愛先生藏用於清濁之間如郭林宗隱不違親貞不純俗和光同塵雅俗無失道甚宏矣而先生遜言危行遠怨於人與林宗同是所謂大直若屈上德不德者也大獄一興人多求免范滂再罹黨禍罪不逃刑節甚偉矣而先生恐衆無所恃特出請囚與范滂同是所謂以身殉道成仁取義者也至於張讓父死名士不弔而先生獨往焉高倫用吏而先生乞從外署不以累倫其他化誨鄉閭感悟盜賊頗存忠厚之風治化清淳進退優

裕雅有寬綽之度以若所爲不狂不狷有爲有守其在聖門特負中行之道者非先生其誰與維時海內名士盛於一時而先生父子李膺杜密韓韶荀氏父子賈彪鍾皓皆潁川人盛於一方元方季方二君皆先生子盛於一門父子兄弟世濟其美同時旌命羔雁成羣范氏稱其據於德安於仁行成乎身而道訓天下以今觀之千載儀型萬邦爲憲況於其鄉可無祠乎樊萬繼父修祠而更爲伐石徵文不媿先生鄉里之後裔予慕前修僭爲序述將復於守令著爲祀典庶幾尙德崇古之意先生名實字仲弓家出單微而性稟至德益以見天縱之厚云

改建白樂天祠像記

邑舉人 李重素

嘗聞敬神設教先王因天理之自然尙德崇賢君子識民彝之不泯自非識力宏深無由勝任而愉快也邑治西南三十里有宮名曰白樂以白樂天先生墓於斯也夫葛藟爾邑耳而竟爲高賢棲身之所其有光於僻壤多矣而或以墓不在葛爲疑者非也稽之載籍白氏先爲太原人其後遷居新鄭生樂天於東郭里舉進士孤忠高節炳耀汗

長葛縣志

卷六

三十一

青自宦遊以至告致廬洛香山咸標芳躅而其家初未離乎鄭葛間汴河感舊之詩固有可考而知者已晚年築室茲地相傳遺址尙存土人猶呼爲白村卒而墓於其側鑿鑿有據郡乘所紀安可誣也且其地岡巒廻抱流水滌環即以堪輿家言亦鬱鬱一佳城焉其爲樂天之墓復何疑哉昔曾建祠其上歷經修葺第世代遷流碑蹟湮沒荒烟蔓草之中不可復考鄉之好事者遂修真武行宮乃其實猶未盡泯也故仍稱爲白樂宮云余弱冠遊其處覽先外祖馬公希周碑文愴然有改正之意而力不能逮未克如願甲子冬余將公車北上適耆民宋世英張聚德來言曰唐樂天公一代名臣千秋高士即其展遊所至猶是曠世相感况宅兆攸存神所憑依而可無一椽以奉香火乎表章前哲端有所賴余聞而義之爰爲請之邑侯李明府首捐俸以爲衆倡於是緒紳先生義氓善士各輸資粟有差諏吉興工欣欣焉神效靈而人敏事矣間有一二庸愚之子迷謬相阻賴張君好學深思心知其義堅爲舉行閱歲而告厥成焉建祠三棟供俎豆也繪像一龕肅瞻拜也鐫石於門題詩於壁期以示後人而傳永久也復從茂才黃

子光祚議修真武廟於前面規制視舊宏麗敬神尊賢之道兩全無失而千年勝蹟亦一旦改觀焉豈非天理民彝之在人心歷久而不容泯滅者歟然宋張二君之識明力定厥功亦云懋哉後之君子幸勿爲流俗所惑時加修葺俾與青崗碧水常爲流峙則景仰前徽維持名教其功又後來居上矣是爲記

義士楊君祠記

沈 荃

長葛縣之西南有石固店者介乎禹許二州而入汴之孔道也居人稠密明季流寇擾亂所在墮壞而石固不得獨存里之諸生楊君惻然憂之以爲移民就邑則道遠潰衆若聽之以爲孤注則蹂躪不可復收於是急捐家財爲崇厥墉浚厥池畫而板鋪夜而局鐫其費不下數百緡而拮据况猝殆過之於是石固之民竟免於兵燹蒙其澤者已數千家矣當是時郡邑大夫上其事於臺憲且具題旌門會遭鼎革不果行今我朝定鼎中原幾四十年而石固之民垣墉如故屋廬晏然於是石固之民登高望遠畢然長思曰吾儕非楊君其能安全至今乎盍謀私祠而尸祝之且請記於予夫陳衆以軍車

長葛縣志

卷六

三十三

白馬說降淳于而祠名白馬從事許偉君修鴻溝陂而太守爲立廟圖形苟利在一鄉義切桑梓公也非私也况乎蘋蘩蘊藻以報嘉德人實有心其能已乎楊君諱慎成爲承天太守桃溪公子幼而穎達佐其父如老吏既長有聲膠序輒冠一軍蓋尙節俠而好行其惠者余昔備兵此土土人爲余道其行誼不衰云

重修石固寨記

禮部侍郎 薛所蘊

有利焉爲民畫之有患焉爲民防之已難其人况畫利必於其利之長防患必於其患之萌如我憲副沈公澤浹窮簷心存保障經畫遠猷俾世世子孫嘉賴無窮者不更難歟考許葛西偏舊有石固寨當日經營創始係生員楊慎成而解橐出資以勸厥成者則生員王玉璣也嗣後元戈爲祟石鼓妄鳴逆寇橫潰蛇豕長驅中原重地盡爲灰燼何有於區區石固且萑苻嘯聚在在蜂起維時幸有別駕尹君諱奇遇者倡率守禦日夜戎服登陴捍衛遐邇居民頗依以爲樂土全活者幾千家迨皇清定鼎撫流拓移輯甯村鎮寨內鱗集砮布者婦子室廬一如舊日則信乎其爲善地也第承平日久屏翳

叢雜池隍堙塞無復有過而問之者沈公以編修外擢備兵禹州經臨其地見士民絡繹販負雜投爭於此謀即次之安公顧而樂之以爲此芸芸者庶幾有殷繁之象然猶懼其不虞民終散也遂進父老而諭曰廢垣不葺如保甲何余非樂爲興役以罷我民亦曰有基勿壞有墜必舉緊維爾百姓是賴一時父老子弟咸荷畚鍤從事亦若有不督而趨不戒而奮者經始於辛丑初秋訖工於嘉平之望財罔民損役罔農妨而已翼如煥如屹屹有金湯之固噫神矣豈公之爲國爲民有以素孚於民使然耶抑百姓知公之寧我婦子罔敢憚勞雖慳且玩者有所不忍負耶不然何卜云其吉即適觀成而保障永賴也闔寨士民慨焉念公之明德遠也不憚遠涉徵文於予以記諸石余用是有感於管子之言矣民惡危墜我存安之民惡滅絕我生育之沈公有焉雖然公之經文緯武種種規畫其所創豎以暨修舉流澤於大梁千里間不一而足何藉此區區片石爲也然此區區者固石固之士若民所爲歌詠勤苦沐浴至德而不已於懷者余即鄙儂不文又烏能已於一言耶公諱荃字繹堂探花及第前任翰林國史編修

長葛縣志

卷六

三十四

重修何公祠堂碑記

胡文元

常攷古之士君子名播當時聲垂後世或以詩禮文章續成道統或以豐功偉績克定家邦且有除一時之害舉興萬姓之利盡一己之勞遂成百世之功者所當勒勳德於旂常崇廟祀於奕禩者也我邑侯何公諱鼎號晴山籍寓楚南派由越族鐘山川之靈秀紹世胄之簪纓早赴鹿鳴特膺墨綬赤舄初飛兩袖清風敷百里玉符乍綰滿城福曜映千門自康熙丙寅歲下車之后新政聿隆百度俱舉首重文教士風日振於黌宮次勸墾荒籽粒漸滿乎倉箱植柳垂蔭何遜彭澤之五株喜兩名亭不讓東坡之一亭至於省刑罰以昭撫綏修誌乘以表忠貞佛岡生色桃李盈門濟橋改觀雲霞煥彩其仁風善政難以枚舉邑之紳士耆民甫瞻德化之成共樂神君之頌何期三年報最晉秩內庭含淚青天徒存借寇之想扳轅赤子不禁誰嗣之歌原籍同人乃築祠宇迨夫歷歲久遠殿閣傾圯撫今追昔良足慨已茲闔邑士民共議重修有輸資財者有施株木者亦有捐助瓦磚餽送菽粟者鳩工力作不日告竣咸相慶慰曰不勒貞珉無以彰

何公之德仰瞻廟貌且以昭羣姓之誠因綜其始末載諸貞石且爲之頌曰公已逝兮容貌藏肯堂構兮世不忘崇廟祀兮誌甘棠溯勳績兮永流芳照耀宇宙兮日月光並列岳兮地天長

何公生祠碑記

羅士昂

政之爲遺愛者善人也善人必有後余於長社前任晴山何公見之公諱鼎號晴山世居浙江山陰由湖廣靖州籍登康熙丙午賢書乙丑宰長葛甫下車問民之疾苦以葛邑貧瘠勤勤積粟勸農丁卯有鵲鵲止溪河數日不去邑人憂之夏五月果飛蝗蔽野公籲天虔禱步巡阡陌遺孽斂跡得不害苗禾因有蝗不入境之謠蝗之患自古記之即當事極捕撲獲滅害已多矣何由而竟不爲害也越明年民力有舒公喜偕司鐸呂君賁恒賓君應選式廓宮墻增建學舍釐定祭器樂器設佾舞生朔望謁學講書無間寒暑葛之絃誦徵文考獻者雲蒸霞起焉其養教如此乃予又聞雙泊河在葛北衆流所達巨浸也庚午秋水陡發異漲淪民田廬困極無所措手方恐恐乎無有極矣而

長葛縣志

卷六

三十五

公親自畚鍤率民用力晝夜不輟增築堤防成極堅極固瀕河居民迄今數十年無復水患此保障之力矣夫人父兄之於子弟誼親情切吉凶同患恤勞苦親扶持導之敦禮向義誦詩讀書遺家以永久無受後累其營心真且至也而爲子弟者於此亦即未有不念父兄之恩思父兄之德敬之愛之咨嗟歎息不能忘者矣而公之蒞葛何以異此六稔政成內召陞戶部主事遷兵部郎中出守江南安慶府調浙江嘉興府而葛之民愛公不能忘遂立祠尸祝焉嗚呼宜矣後三十六年雍正丙午公仲子諱經文號無墨貴州安順太守入覲迂道來葛謁公祠葛民見之如見公焉今乾隆辛巳冬公仲孫諱燭奉命督修楊橋竣工授河防兵備道分巡開歸陳許四郡回憶無墨公謁祠之日又三十六年矣公遺愛不猶存乎而善人有後信矣余時承乏許州按葛慕公爲人謁公廟與葛宰孫君景燧謀新之問記於余余何記即謂公之遺愛云爾

重建何公祠記

孫景燧

乾隆二十六年冬景燧奉天子命來治茲土下車之二日巡行至城東外見有殘碑斷